



Sel Prestuhn Thomas S. Monson

# Akuhtuhn luhn Moul

*Kuht tuhkuh oyac me? Efuuh kuht oasr inge? Kuht ac som nuh oyac tukun moul se inge? Tilac enenuh kihsen siyuck facluh inge in tiac topukyucklac.*

**T**amuhlwel ac tahmtahel wolacna wiyuck an, olutu nga luhngse sramsram nuh suwos ke ma pwacye luhn ma pahtpaht uh—ma pwacye ma e ahkwoye moul lasr uh ac liye kuht in wo ohiyac sun yen sesr uh.

Acn nuh kwewa mwet uh suhlahklahk. Aksohk uh muhi ke wucnyacn kuhfa sacohk luhn mwet nuh ke muhtuhn facl sahyac ac inkof uh in muh miting luhn pisnis uh kuh in oreklac, orekma uh oreklac, muhtwacta uh engankihnyuck, kuh sucu uh in kuh in amuhwactai. Inkacnek ke acn nuh kwewa—weacng inkacnek sralacp, inkacnek loeloes, ac inkacnek luhlahp uh—wucn stosah miliacn, nwacklah ke kuhtuh pac miliacn ke mwet, ke tiac tui fahsriyac uh ac ke puhs kain in srihpac ke kuht suhlahklahk pisnis ke kais sie lwen.

Ke moul muhi se inge, kuh kuht na tui ke kihtin pacl in ami in nuhnak—finne nuhnak ke ma pwacye wacngihn sahflahiyac?

Ke kapsrweyacn ma pwacye ma pahtpaht uh, inkaiyacn kihsen siyuck ac elyah ke moul ke kais sie lwen arulacna wacngihn srihpac na

pwacye. Meac kuht ac mongo in ekuhkihn uh? Tuhn fuhkah kuht ac sroalkihn ke infuckihl luhlahp an? Kuh kuht ac isaclwacng Nena lacn wi soccer? Kihsen siyuck inge ac puhkantweniyac sahyac ma oacna wacngihnlac yohk srihpac lalos ke pacl elyah sikyak uh, ke mwet pahkotwen lasr ngalyak kuh kihmeta uh, ke mwet lihksreni na masack uh, ke mwet se mas upac uh ac apkuhran in misac uh. Nuhnak lasr uh muhtwacwacack lohacng, ac fihsracsr kuht in nuhnkuh ma yohk srihpac na pwacye ac ma wacngihn srihpac.

Nga tuhfhahna muhtwactalah nuh yurin sie muhtwacn suc masmas-kihn mas na upac se ke lusacn yac luo kuhtuh. El fahk lah ke el muhtwacwacack masack ah, pacl lal ah sesseslah ke mukwikwi ma oacna ahknwacsnwacsye lohm sel in arlac wo ac nwacklah ke kuhfa lun lohm kahto. El fahsri mwet in orek insucf se lal ah pacl luo ke wik se ac sislah mani ac pacl ke kais sie mahlwem moul nuknuk. Tuhlihk nuhtin nah-tuhl ah solsol in muhtwacta ke kais kuhtuh na pacl, ke srihpen el elyahkihn ke pacl nuh kwewa lah ma el

nuhnkuh muh sacohk lal ah kuh in muhsahllah kuh koluklac sin paho srihsrihk ac ingunyacr ah.

Na fwackyuck nuh sel lah pweng na lut se lah moul lal uh koluklac ac lah pacl lal facluh fototome. El fahk lah ke pacl se el lohng fahk luhn taktuh sac, el sana etwacack lah el enenuh in sislah pacl luhlah lal ah yurin sucu ac kawuck ac wosasuc in pa yohk srihpac ke moul lal uh, tuh ma inge ahollah ma sacohk emet nuh sel.

Kain pacl in ahkpwacye se tuhkuh nuh sesr ke pacl sefanna kuh sie sahyac, tuhsruhkh sahp tiac pacl nuh kwewa ke ohiyac upac. Kuht liye na suwohs lah meac oasr srihpac ke moul lasr uh ac e fuhkah ohiyacn moul lasr uh.

Mwet Lahngo el fahk:

“Nimet elohsack mwe kahsruhpuh nuh suwos fin facluh, yen watihl ac ras ac kuhnahoslah, mwet pihsrapasr elos ac kuhnahoslah acn ma oan we ac pihsraclah:

“A kowos in elasack mwe kahsruhpuh nuh suwos inkuhsrao, yen watihl ac ras tiac kuh in kuhnahoslah, ac mwet pihsrapasr elos tiac kuh in utyak nuh we ac pihsraclah.

“Tuh yen ma sacohk lowos oasr we, nuhnkows ac oan pac we.”<sup>1</sup>

Ke puhlan pacl lasr ke motko yohk kuh enenuh yohk, nguhnin mwet se som sun inkuhsrao, suk ke top wolacna nuh ke kihsen siyuck yohk luhn moul uh: *Kuht tuhkuh oyac me? Efuuh kuht oasr inge? Kuht ac som nuh oyac tukun kuht som liki moul se inge uh?*

Top ke kihsen siyuck inge tiac sukokyak ke kulun puk luhn lutlut luhlahp kuh ke sukyac ke Internet. Kihsen siyuck inge tuhpalah moul

uh. Kihsen siyuck uh sruohkwacni ma pahtpaht.

*Kuht tuhkuh oyac me?* Kihsen siyuck se inge pa nuhna na pwacye se, fin tiac fwackyuck, sin mwet nuh kwewa.

Mwet Sap Paul el fahk nuh sin mwet Athens ye Muhtuhn Mwet Pwacpa Fuhlwact lah “kuht tuhlihk nuhtin God.”<sup>2</sup> Ke kuht etuh lah mahnosr ma nuhtin pahpah ninac kiyacsr uh, kuht enenuh in suk ke kalmacn fahk lal Paul. Leum el fahkwack lah nguhn ac mahno uh pa nguhnin mwet uh.<sup>3</sup> Pwacnwacng pa nguhn se ma tuhlihk nuhtin God. Mwet sihm se Hibru fahk Kacl lah El pa “Pahpah tuhmasr in nguhn.”<sup>4</sup> Nguhn luhn mwet nuh kwewa pa tuhlihk mukul ac muhtwacn sacohklacna nuhtin God.<sup>5</sup>

Kuht etuh lah mwet sihm pohloh fahk mokleyuck uh oasr, ke lutlut lasr ke mwe luti se inge, sihmihp pweng mokleyuck ac suhmuhslah nuhna wo liki nuh kwewa. William Wordsworth el suhmuhslah ma pwacye:

*Isuslac lasr fin facluh uh oacna in som mutullac ac muhlikuhlah:  
Nguhna oasr lasr ke isuslac uh oacna Itu,  
Ac tuhkuh ke acn loessuhlah:  
Ac tuhkuh ke acn loessuhlah:  
Kuht tiac muhlikuhlah ma nuh kwewa,  
Ac tiac arlac wacngihn ahkolah la,  
Ke srihpen kuht kais sie isuslac ke ipin wolacna in kuht  
Sin God, suc pa lohmsesr uh:  
Ke kuht ahwowo uh inkuhsrao swackna oan in kuht!*<sup>6</sup>

Pahpah ninac uh motko kunohkohn lalos in luti, in mogle, ac in sang kolyuck, srihsrsrihsr, ac mwe srihkasrak. Ac ke pahpah ninac uh motko uh, tuhlihk uh—yohk na nuh sin mwet fuhsr—siyuck kihsen siyuck yohk srihpac se, efuh kuht oasr inge? Kwacna sruhmuhnyuck kahkhsrihk nuh sin sie nguha ac fahkyuck, efuh nga oasr inge?

Kuht enenuh in sruikihn lah Mwet Orwacnah lahmwetmwet se orwacnah

facluh ac fihlikuhti inge ke lihsrihsr ke muhlikuhlah oasr lasr met ah kuht in muh kuh in puhlakihn sie pacl in srihkeyuck, pacl wowo se in ahkpwacyei kuht sifacna in muh kuh in fal nuh ke ma nuh kwewa God el ahkolah nuh sesr in eis uh.

Pwacye, sie ma yohk srihpac ke oasr lasr fin facluh uh pa in eis mahno luhn ikoac ac sri. Utuckuh pac nuh sesr mwe sang luhn sukohsohk in sulacnah. Ke inkacnek tausn, wo nuh sesr in sulacnah nuh sesr sifacna. Inge kuht lutlut ke enenuh upac ke puhlakihn la sifacna. Kuht akihlen inmahsr lon ma wo ac ma koluk. Kuht akihlenyac in oacna ma mwen ac emwem. Kuht konwacack lah oasr ohiyac kuhpahsr nuh ke mukwikwi uh.

Ke ahkostwen nuh ke masap luhn God, kuht kuh in fal nuh ke “lohm” se ma sruhmuhnyuck sel Jisus ke El fahkwack: “Puhkantwen acn in muhta in lohmsin Pahpah tuhmuhk. . . . Nga ac som in ahkolah acn suwos . . . tuh yen Nga muhta we kowos fah oacyacpac muhta we.”<sup>7</sup>

Kuht ne tuhkuh nuh ke moul facluh uh “Ke srihpen kuht kais sie isuslac ke ipin wolacna in kuht.

God, Pahpah tuhmwacsr, ac Jisus Kraist, Leum lasr, akihlenyac inkacnek se nuh ke suwohs. Elos suli kuht in ukwe ma pwacye ma pahtpaht uh ac in suwohsna, oacna Elos suwohsna.<sup>8</sup>

Mwet Sap Paul el luhngse moul uh in akuhtuhn. Nuh sin Mwet Hibru el kwacfe, “Lwelah kuht in sislah . . . ma koluk ma lihksrweni na sruok kuhti, ac lwelah kuht in moniyuckyang in kahsruhsr lasr suc oan ye muhtahsr uh.”<sup>9</sup>

Ke elyahlac lasr, lwelah kuht in lohacng nuh ke kahs in kahsrulahlmwetmwet ke Ecclesiastes: “Akuhtuhn uh tiac ma in muhi se, ac mweun uh tiac ma in fokoko se.”<sup>10</sup> Pwacyeyac uh opi uh ma nuh sel suc kutong ne ke sahflah.

Ke nga liye ke akuhtuhn luhn moul uh, nga esamwack sie pac kain akuhtuhn, finne ke pacl luhn ohiyacn tuhlihk. Nga ac kawuck se luhk ah utuck mitmit kuhf wi kuht ac, ke sahk

fihswacsrsrwacsr ke sahk willow soko, orwacnah oak srihsrihk uh. Ke atacn nes kuhtin kohsrohsroh se kac, kuht ac kais sie fihliyac ke kof ah in akuhtuhn nuh ten ke mukwikwi luhn kof ah ke Infacel Provo Utah ah. Kuht ac kahsruhsr ukwe siskacn infacel soko ah ac liye oak srihsrihk ah ke kuhtuh pacl uh srosro ke for upac ke acsr ah ac kuhtuh pacl uh ac tui ac kof uh nwacklah.

Ke akuhtuhn se kuht etwacnah lah oak soko pwen ma luhlah ah nuh ke sahflahiyac ah. Lihksrweni, acsr ah use apkuhran nuh ke sie for luhlahp infacel ah, ac oak uh lwenglweng nuh siskac ne lwenglah. Na furokyuck som, tiac kuh in fohlohkyak nuh ke acsr uh. Sahflahiyac ah oruh sie monglac tiac fihsracsr, wi pahtpaht infulwacn kutkut ac, srwemlah ke koan mah srwemswem inkof uh.

Oak in sritacel ke ohiyacn tuhlihk uh wacngihn fokokoiyac, wacngihn mwe ikwik in kol kahsruhsr la an, ac wacngihn kuhiyac. Acn ac som nuh we an pa in weoht infacel an—inkacnek soko ma wacngihn kutongyac.

Tiac oacna oak in mwe sritacel uh, utuckuh nuh sesr atac wolacna se in kol acn kuht fahsr nuh we. Kuht ilyak nuh ke moul uh in tiac pahtpaht ke mukwikwi luhn acsr luhn moul uh tuhsruhke ke kuh in nuhna, in kotai, ac in eis.

Pahpah tuhmwacsr Inkuhsrao el tiac fihli kuhti ke kalkal luhn ma pahtpaht lasr uh ac tiac use ke kahsrweyac ke kuht eis Sel kolyuck in luhlahlfongi pain moullac in fohlohk lasr. Nga sramsram pac ke pruhe. Nga sramsram pac ke mahmah sin puhsra efahl, srihsrihk se; ac nga tiac pihlesruh ma suhmuhslah muhtahl uh, suc nwek kahs luhn Leum ac kahs luhn mwet pahluh uh—utuckuh nuh sesr in kahsrwe kuht in orwacnah wo in ahlukwelah sahflahiyac uh.

Ke kuhtuh pacl ke misin luhn moul lasr uh, oasr ohiyac tahfuh luo sikyak, isracsr srihsrihk muhnahs se, ngal luhn mas—wacng sahflahiyacn mwet fuhsr lasr uh, fototoyang nuh ke pacl ohu, mahtohoh, ac puhlakihn

se kuht pahngon misac uh.

Mwet etuh nuhnak nuh kwewa siyuck sel sifacna kihsen siyuck soko siyuckyuck wo sel Job mahtuh sac: “Kuh mwet se fin misac, yac el kuh in sifil moulyak?”<sup>11</sup> Srihke ke kuhiyacsr in eslah kihsen siyuck se liki nuhnak lasr uh, ac fohlohk pacl nuh kwewa. Misac uh ac sun mwet nuh kwewa. Ac sun mwet mahtuh uh ke elos ac fahsr ke niyac muhnahs lalos. Pahng luhn misac uh pa lohngyuck selos suc fototoyang nuh ke infulwacn fuh-fahsryucsr in moullalos, ac misac uh kwacna mwe isracsr se luhn tuhlihk srihsrihk.

Tuhsruh meac ke oasr se tukun misac uh? Ke misac uh pa sahflahiyacn ma nuh kwewa? Robert Blatchford, ke puk se lal ah *God ac Mwet Tuhlan Luhk*, lain yohk luhlahlfongi luhn Mwet Kristin ma oacna God, Kraist, pruhe, ac yohkna nuh ke moull kawihl. El fahk na suwohs lah misac pa sahflahiyacn moull lasr uh ac lah wacngihn mwet kuh in ahkpwacyei lah suhtuhuh. Na mwe lut se sikyak. Sinkac in suhlahlhlfongi lal lihksrweni na rahki mukutkut uh. El muhkewelacna muhta ac wacngihn loangweyacl. El kahkahrhik na puhlahack fohlohk lal nuh ke luhlahlfongi se ma el ahkkolukye ac sislal ah. Meac oruh eklac usrnguck se inge ke liye lal uh? Muhtwacn kiyaccl ah misac. Uslah insiyacl el som nuh lun infuckihl sac ma muhtwacn kiyaccl ah oan we ah. El sulpac ngwetwacng nuh ke muhtuhn ngwetngwet se el luhngse wo ah. El tifoklac ac fahk nuh sin kawuck se lal: “El tuh tiac pac el. Ma nuh kwewa eklac. Sie ma tuh oasr met itucklac. Tiac el met ah. Meac kuh in oreklac fin tiac nguhn se?”

El suhmuhslah tohkoh: “Misac uh tiac sie ma kuhtuh mwet uh luhma. E oacna in som nuh ke sie infuckihl sahyac. Ke infuckihl se sahyac an kuht fah sokwack . . . muhtwacn ac mukul wolacna ac tuhlihk sacohk

kuht luhngse ac tuhlac uh.”<sup>12</sup>

Tamuhlwel ac tahmtahel wiyuck an, kuht etuh lah misac tiac pa sahflahiyac uh. Ma pwacye se ma lutyuck sin mwet pahluh moull ke pacl loeloes me. Sukokyak ke ma suhmuhslah muhtahl nahtuhsr uh. Ke Puk luhn Mormon kuht riti ke kahs pwacye ac kahs in ahkkweye uh:

Nuh ke ohiyacn nguha inmahsr-lon misac ac moulyak uh, lihpufacn se fahk nuh sel Alma lah nguhn luhn mwet uh, in pacl se ma elos som liki mahno se uh, nguhn uh finne wo kuh koluk, utucklac nuh loh m ac yurin God se ma sang nuh selos moull.

Nguhn luhn mwet suwohswohs uh ituck nuh ke ohiyac luhn mwe engan, suc pahngpahng pacruhtais—acn in monglac, acn luhn mihs lac, acn ma elos ac monglac liki elyah lalos ac liki karihngihnyuck ac ahsor nuh kwewa.<sup>13</sup>

Tukun Mwet Lahngo el srihsrihyak ah ac Mahnol fihliyucki lun kuclyuck uh ke lwen tolu, nguhn sac sulpac ilyak, ac Mwet in Molwelah moulyak se tifoklac liki kuclyuck uh, nuklac ke mahno kawihl ke ikoac ac sri.

Top nuh ke kihsen siyuck lal Job, “Fin mwet uh misac, yac elos ac sifil moull?” tuhkuh ke Mary ac kuhtuh sahyac apkuhranyang nuh ke kuclyuck sac ac liyacack mwet luo nuknuk fasrfasr sahromrom suc sramsram nuh selos: “Efu kowos kuh suk el suc moull inmahsr-lon mwet misac? El tiac oasr inge, el ahkmoulyeyuckyak tari.”<sup>14</sup>

Ke ma sikyak ke kuhtanglah luhn Kraist liki kuclyuck uh, kuht nuh kwewa fah moulyak. Pa inge molwelah luhn nguha uh. Paul el suhmuhslah: “Ac oasr . . . mahno luhn ma inkuhsrao, ac mahno luhn ma fin facluh. Wolacna luhn mahno ke ma inkuhsrao sie liki wolacna luhn mahno ke ma oan fin facluh.”<sup>15</sup>

Wolacna luhn moull pa kuht suk

uh. In muhta yurin God pa kuht kena in ilyak nuh kac uh. Sucu ma pahtpaht pa kuht ke wi uh. Kain mwe insewowo inge ituckyuck ke moull in srihke, suk, auliyak, ac sahflahiyac ah orwacclah.

*Kuht tuhkuh oyac me? Efu kuht oasr inge? Kuht ac som nuh oyac tukun moull se inge?* Kihsen siyuck luhn facluh inge tiac enenuh in tiac topukyucklac. Ke loaliyacn nguhnihk ac ke puhsisaccl nuh kwewa, nga fahkwack lah ma nga sramsramkihn uh pwacye.

Pahpah tuhmasr Inkuhsrao el engan selos suc karihngihn masap uh. El elyah pac sin tuhlihk tuhlac, tuhlihk fuhsr pahtlac, mwet fuhsr ma loessuhlah liki ip yohk luhn wosasuc, pahpah ninac tiac elyah. Emtuhngiyac, Mwet Luti Fuhlwacl el fahk nuh selos inge, ac nuh sin mwet nuh kwewa: “Fohlohkoh. Fanyak. Utyak. Tuhkuh nuh loh m uh. Fahsruh nuh yuruk.”

Wik fahsruh uh kuht ac ahkfuhlwactye Istuh. Nuhnak lasr uh ac fah forlah nuh ke moull luhn Mwet Lahngo, misac Lal, ac Moulyak Lal. In ekihn mwet loh yohk srihpac se Lal, nga fahkwack nuh suwos lah El moull ac El tuhpan fohlohk fuhlwacl lasr uh. Lah kain fohlohk sacn fah ma na lasr, nga pruhe ke ine muhtahl Lal—finne Jisus Kraist, Mwet Lahngo ac Mwet in Molwelah lasr, amen.

#### **MWE KAHSRUH**

1. Mattu 6:19–21.
2. Orema 17:29.
3. Liye Doctrine and Covenants 88:15.
4. Hibr 12:9.
5. Liye Doctrine and Covenants 76:24.
6. William Wordsworth, *Ode: Intimations of Immortality from Recollections of Early Childhood* (1884), 23–24.
7. John 14:2–3.
8. Liye Mattu 5:48; 3 Nephi 12:48.
9. Hibr 12:1.
10. Ecclesiastes 9:11.
11. Job 14:14.
12. Liye Robert Blatchford, *More Things in Heaven and Earth: Adventures in Quest of a Soul* (1925), 11.
13. Alma 40:11–12.
14. Luk 24:5–6.
15. 1 Mwet Korinth 15:40–42.

# Luti ke Pacl Lasr uh

**L**esin luhn Melchizedek Pristut ac U luhn Muhtwacn in Kahsruh ke Sacnri ahkahrkosr uh tuhfa orek ke “Teaching for Our Time.” Kais sie lesin kuh in ahkoeyucklac ke soko sramsram kuh in puhs liki ma orek ke toeni luhlahp ma tuhfa na tari ah. Prestuhn luhn stek kuh tisrik kuh in sulaclah sramsram ma in orekma-kihnyuck uh, kuh elos kuh in sang kunohkohn se inge nuh sel pisap ac prestuhn luhn pracns. Mwet kol uh enenuh in ahkkahlwemye yohk srihpen mukul ke Melchizedek Pristut ac tahmtahel ke U luhn Muhtwacn in Kahsruh uh lutlutkihn sramsram sacpacna ke Sacnri sacpacna.

Elos suc wi lesin ke Sacnri-ahkahrkosr ah ahkkweyeyuck in lutlutkihn ac use nuh ke kuhlals mackuhsin ke toeni luhlahp ma tuhfa na orek uh.

## Ma tohuyak nuh ke ahkoeyacn Lesin se ke Sramsram uh

Pruhe tuh Nguhn Muhtahl fah wi kowos ke kowos e lutlutkihn ac luti sramsram(uh). Kowos kuh

in srihfucsryuck in orekmakihn kuhfa sahyac in ahkoo lesin an, tuhsruhk sramsram ke toeni uh pa ohiyacn luti se ma ahkkweyeyucklac uh. Kunohkohn lowos an pa in kahsruh mwet sahyac in etuh ac moulkihn wosac uh ke lutyuck ke toeni luhlahp luhn Alu uh ma tuhfa na orek uh.

Sifil liye sramsram(uh), liye ke ip yohk ac mwe luti ma sun enenuh luhn mwet ke kuhlals an. Suk pac ke pohloh sramsram, ma kahlwem ke ma suhmuhslah, ac pohloh fahk ke sramsram(uh) ma ac fah kahsrwe kowos luti ma pwacye uh.

Oruh sie tahk an ke ohiyacn luti ke ip yohk ac mwe luti uh. Nuhnkuh in sang kihsen siyuck ma kahsruh mwet ke kuhlals an:

- Suk ke ip yohk ac mwe luti ke sramsram(uh).
- Nuhnkuh ke kalmeyac lalos.
- Akacsrui ke etuh, mwe nuhnak, ma puhlakihnyuck, ac fahkwack luhlahlfongi.
- Orekmakihn ip yohk inge ac mwe luti uh ke mouh lalos an.

MAHLWEM MA LESIN UH LUTYUCK	KUHFA LUHN LESIN KE SACNRI-AHKAHKOSR
Eprel 2012–Ohktoha 2012	Sramsram oreklac ke toeni luhlap ke Eprel 2012*
Ohktoha 2012–Eprel 2013	Sramsram oreklac ke toeni luhlap ke Ohktoha 2012*

*\*Nuh ke lesin ke Sacnri ahkahrkosr ke Eprel ac Ohktoha an, sramsram (uh) kuh in sulohsohllah ke toeni orek met ah kuh ke ma tuhfa na tari ah. Sramsram inge oasr ke kain kahs pucspucs ke conference.lds.org.*



Sel Prestuhn Henry B. Eyring

Mwet in Kahsruh Se Met ke Prestuhnsi Se Met

# Finohl in Fanfan

*Fin oasr luhlalhfongi lasr ke Jisus Kraist, pacl upac ac fihswacsr emet ke moul uh kuh in sie mwe insewowo.*

**N**ga lohngohl Prestuhn Spencer W. Kimball ke sie pacl in toeni, siyuck tuh God elan sang nuh sel ma upac in kuh-tanglah. El fahk: “Oasr ma na upac met liki kuht, pacl wowo yohk in oreklac. Nga engankihn ma ac sikyak ingacn ac luhngse in fahk nuh sin Leum, ke puhsisac, ‘Use nuh sihk finohl soko inge,’ use nuh sihk ma upac inge.”<sup>1</sup>

Insiyuck mokleyuck, etuh, ke nga oruh, kuhtuh ma upac ac pacl upac ma el sun tari uh. Nga puhla sie kena in oacna el yohk, sie mwet kuhlwcansap suwohs luhn God. Na nga pruhe ke sie fong ah nuh ke sie mwe srihke in ahkpwacyei puhlaik luhk. Nga kuh in esam arlac kah-lwem. Ke ekwelac ah nga sikuck muhtuhnteyak ke infuckihl sihk ah ke sie luhlalhfongi ma apkuhran na in nwacklah insiyuck nuh ke in fokwelihk.

Tukun lwen se kuh luo pruhe luhk ah topukyucklac. Ma upac se emet ke moul luhk uh ahklutyeyuc ac ahkpuhsisaclyeuclac. Use nuh sihk lesin ke ip luo. Ma se met an, oasr mwe ahkpwacyei luhk lah God el lohng ac topuk pruhe luhk uh ke

luhlalhfongi. Tuhsruh ahkluo, nga muhtwacwacack ke sie lesin ma nga srwackna lutlut kac mihsenge in luti lah efuh nga puhla ke luhlalhfongi lah fong sac sie mwe insewowo yohk kuh in tuhkuh ke ma upac ma ac fohlohkihnyuck upac likina ma ac sikyak uh.

Ma upac ma nga puhlakihn ke pacl loeloes se somlah ah ingena srihkweni kapsra nuh ke ma tuhkuh tohkohme—nuh sihk ac elos suc nga luhngse uh. Puhs suwos ingena ah-luhkwelah ma upac ke mahno, mwe nuhnak, ac puhla ma oruh kowos in tuhng oacna sie mwet kuhlwcansap yohk luhlalhfongi luhn God ma nga etuh arlac wo. Nurse se lal ah lohng el fahk ke mwe oan kiyac ah ke el puhla ngal an, “Ke nga srihke moul luhk nohfohn in wo ah, efuh ma inge sikyak nuh sihk?”

Kowos etuh top luhn Leum nuh ke kihsen siyuck soko ingacn nuh sel Mwet Pahluh Joseph Smith ke acn in kacpous lal ah:

Leum el fahk nuh sel Joseph Smith lah fin enenuh in tolyuckyang el nuh in luhf uh, kuh nuh in poun mwet suhlallacl uh, ac in acnwucki ituckyang nuh sel; fin enenuh el

in sisilac nuh inkof loal uh; fin noa luhlahp uh orekma laenuhl; fin eng upac uh eklac mwet lokoalok lal; fin inkuhsrao orwacni lohsr uh; ac ma nuh kwewa tuhkweni kosrwaclah inkacnek uh; ac yohk liki nuh kwewa, ac inwaculun hell fah ikackwelihk inwaculuh an yohk ukwacel, el enenuh in etuh lah ma nuh kwewa inge fah sang puhlakihnyuck nuh sel, ac fah ma wo nuh sel.

Leum el fahk lah Wen nuhtin Mwet el puhtati nuh yohrohltahl nohfohn ten. Yac Joseph el yohk srihpac Luhkwel?

Leum el fahk in sruokyacna nuh inkacnek, ac pristut enenuh in oan na yohrohl; tuh acn lalos uh ahkolah, elos tiac kuh in ahluhkwelah. Lwen lal Joseph uh etweyuck, ac yac lal fah tiac ahksrihkyeyucklac; el tiac enenuh in sahngweng ke ma mwet uh kuh in oruh, tuh God el fah weluhl nuh tok ma pahtpaht.<sup>2</sup>

Oacna in wacngihn top wo nuh ke kihsen siyuck ke lah efuh ma upac uh tuhkuh ac kuht enenuh in oruh likina kahs luhn Leum Sifacna, suc kuhtanglah ma upac uh kacsr yohk likina ma kuht kuh in kahlwem kac.

Kowos esam kahs Lal ke El sang kahs in kahsruh tuh kuht enenuh, ke luhlalhfongi in El, auliyak:

Mwet Lahngo el sapkihn nuh sesr in auliyak tuh fin te El fah uni kuht ke osra ke inwaculuh ac kasrkuhsrak Lal, ac ke foloyak Lal, ac kweok lasr fah arlac upac—kweok fuhkah ma kuht tiac etuh, kahto fuhkah ma kuht tiac etuh, upac in us fuhkah ma kuht tiac etuh.

Mwet Lahngo el fahk lah el kweok ke ma inge kacsr nohfohn elos in muh tiac kweok fin elos auliyak;

“Mwet Lahngo el fahk lah mwet uh fin tiac auliyak, elos enenuh in kweok oacna ke el oruh ah.

Kweok lah oruh el, finne God, mwet yohk liki nuh kwewa se, in rarrar ke srihpen ngal, sohrohr ke pat nuh kwewa, ac kweokkihn kwewana mahno ac nguhn. Ngal ingacn upac pwacnwacng el siyuck ac fin kuh nuh sel in itucklac liki.

Ne ohinge, El sang wolacna uh nuh sin Pahpah. El ipeis ac ahk-sahfyelah ahkolah Lal nuh sesr.<sup>3</sup>

Oasr luhlhlafongi luhk kom ma inkacnek in tuyak ahluhkwelah ma upac uh pa in luhlhlafongi lah oasr “ono in Gilead”<sup>4</sup> se ac Leum el olwelah, “Nga fah tiac . . . muh-likihnkowoslac.”<sup>5</sup> Pa ingacn ma Prestuhn Thomas S. Monson el luti kuht in kahsrwe kuht ac elos suc kuhlwcansap ke pacl ma oacna ma upac uh in muhkahimtacl ac kuh-tangyucklac uh.<sup>6</sup>

Tuhsruhk Prestuhn Monson el oacyacpac luti lahlmwetmwet lah sie pwelucng ke luhlhlafongi ke ma pwacye ke ma uliyuckme an ac eis pacl in muhsahiyuck. Sahp kom ac kuh in liye enenuh nuh ke pwelucng ingacn oacna nga, ke sicken mwe oan luhn sie mwet ma ahkolah in fuhlweack mweun an in kahsrwelos kampare nuh ke sahf-lah. Fin pwelucng ke luhlhlafongi uh tiacna sie ip ke insiacsr uh, kuh in kampare uh fah puhtatlac.

Srihpac luhk mihsenge uh pa in ahkuhtweyac ma nga etuh ke ohiyac ma kuht kuh in orwacnah pwelucng fokoko se ingacn. Nga oruh ke puhsisacel yohk nuh ke srihpac luu. Ma se met ah, ma nga fahk uh kuh in ahkkolukye mwet ma tikuckluc ke infulwacn ma upac yohk uh ac elos kuh in puhla lah pwelucng lalos ke luhlhlafongi uh muhkahlkahl uh. Ac ahkluo, nga etuh lah finne mwe srihkasrak upac uh oan met likiyuc met liki sahflahiyacn mouh uh. Ke ma inge, kahn in kahsrueh ma nga usot nuh suwos uh soenna ahkpwacye-iyucklac ke mouh luhk sifacna ke kampare nuh ke sahflahiyac uh.

In oacna sie mukul fuhsr, nga orekma wi sie mwet kamtuh muhsahi acn falucl ac pwelucng nuh ke lohm sasuc uh. Ke sun summer uh orekma na upac se in ahkolah infohk uh nuh ke atac ma kuht ac uki simacn nuh ke falucl an. Wacngihn insin. Kuht orek-makihn sie mwe fukfuk ac sahfuhl se. Muhsahi pwelucng ma ac oan paht nuh ke muhsah uh orekma na upac ke pacl sac.

El sang pac mongfihsrwacsr. Tukun kuht okwacacng falucl ingacn, kuht ac sano in paholah. Yohk likina ke kuht kena in ahkfahsrye orekma an nuh met, kuht oacyacpac sano tukun kuht okwacacng pwelucng an met liki kuht ac eslah fohm an uh.

Ac usrnguck pacna nuh sin sie mwet kamtuh sasuc pa ma oacna sie atac na ullac ac eslah pacl in sang osra par an ahkwoyac nuh lun fohm an in sang fokoko nuh ke pwelucng tari ingacn.

Ke sie inkacnek fihsrwacsr, infohk an enenuh in ahkoeyucklac wo nuh ke pwelucng in luhlhlafongi lasr in lain pahkah ma ac fah tuhkuh ke mouh nuh kwewa uh. Ma kwekwe fokoko nuh ke sie pwelucng ke luhlhlafongi el suwohs la sifacna se.

Ke sulacnah ma pwacye suwohs ke oacna sie pacl ma sulacnah se fihliyucki met liki kuht uh kuht ac fah orwacnah infohk fokoko uh ye luhlhlafongi lasr uh. Kuh in muh-twacwacack ke tuhlihk srihsrihkyak e kena nguhn nuh kwewa isuslac ke sie mwe sang sukohsohk ke Nguhn luhn Kraist. Ke Nguhn se ingacn kuht kuh in etuh ke kuht ac orwacnah ma pwacye ye muhtuhn God ac ke kuht orwacnah ma koluk ye Muhtahl uh.

Sulacnah ingacn, suc ma sikyak ke pacl puhkantwen ke inkaiyacn pacl uh, ahkolah infohk fokoko ma muhsah luhlhlafongi lasr uh muhsahiyuck uh. Osra ke atacn orekma raunweack ma yohk srihpac ke luhlhlafongi lasr uh ukiyucklac uh pa wosacus luhn Jisus Kraist, ke wuhlweacng, akwuck, ac ip yohk nuh kwewa kac uh.

Sie sin ki nuh ke sie luhlhlafongi wacngihn sahflahiyac pa in nuh-nuhnkuh suwohs pacl ma kuht enenuh in sang in ahkolah uh. Pa oruh nga lahlfonlac in sana in pruhe ke mouh luhk nuh ke finohl fuhlwact in fanuhk ac mwe srihke yohk uh.

Onwelah sac tiac sana tuhkuh ke fahsr luhn pacl uh, tuhsruhk ac eis kuhtuh pacl. In mahtohoh el tiac sifacna oruh muhkwenah. Pa in kuh-lwacnsapuh God ac mwet sahyac uh fal ke insiacsr ac nguhsnr nohfahn ma ekuhllah fahkwack luhlhlafongi lasr ke ma pwacye uh nuh ke kuh luhn nguhn fokoko.

Ingena, nga finsrak in ahkkweye mwet suc tuhfaehna puhlakihn ma upac yohk uh, suc puhla muh luhlhlafongi lalos uh srihkweni ke nuhnhkweyacn ma koluk uh. Ma upac an sifacna kuh in ohiyac lom in ahkkweye ac tari eis luhlhlafongi fokoko. Moroni, wen nahtuhl Mormon ke Puk luhn Mormon, el fahk nuh sesr ohiyac ma mwe inse-wowowoh kuh in sikyak. El luti ma pwacye fihsrwacsr ac wolacna ma orekma nuh ke finne kihtin luhlhlafongi ac lwelah God elan kahsrueh yohkwelihk.

Moroni el luti lah luhlhlafongi pa ma finsrak nuh kac ac tiac liyeyuck uh; tuhsruhk kuht tiac enenuh in akuhkuhin ke srihpen kuht tiac liye, tuh wacngihn loh kuht eis nuh ke tukun ma upac ke luhlhlafongi lasr.

El fahk lah ma ke luhlhlafongi tuh Kraist el ahkkahlwemyeacel sifacna nuh sin pahpah tuhmwaclos an, tukun el moulyak liki misac; ac el tiac ahkkahlwemyeacel sifacna nuh seltahl nuh ke tukun oasr luhlhlafongi lalos Kacel; ke srihpac ingacn, enenuh in oasr kuhtuh mwet luhlhlafongi Kacel, tuh El tiac ahkkahlwemyeacel sifacna nuh sin facluh.

Tuhsruhk ke srihpen luhlhlafongi luhn mwet uh El ahkkahlwemyeacel sifacna nuh fin facluh, ac ahkwoyelah inen Pahpah, ac ahkolah soko inkacnek ma mwet sahyac uh kuh in

ipeis ke mwe sang inkuhsrao ma elos finsrakkihn nuh ke ma ingacn uh, ma elos soenna liye uh.

Ke srihpac ingacn, kuh pac in oasr finsrak lasr, ac in mwet ipeis ke mwe sang, kuht fin ac oruh tuhsruhke ke luhlhlfongi.<sup>7</sup>

Ip yohk srihpac se emet ke luhlhlfongi ma kowos enenuh in liyacacng ac orekmakihn ke kuhiyowos pa luhlhlfongi ke Leum Jisus Kraist. Moroni el luti kuh ke luhlhlfongi se ingacn ke fahk lah wacngihn sie pacl ma kuhtwena mwet oruh ma usrnguck uh nuh ke tukun luhlhlfongi laltahl an; ke srihpen elos luhlhlfongi met ke Wen nuhtin God.<sup>8</sup>

Nga muhtwacta nuh yurin sie muhtwacn suc eis sie ma usrnguck ke kuh fal in kuhtanglah ma koluk upac ingacn ke na kuh fihswacsr se in kalweni na kabs inge “Nga etuh lah Mwet Molwelah luhk el mou.”<sup>9</sup> Luhlhlfongi se ingacn ac kabs ke fahkwack luhlhlfongi ingacn srwackna oasr ke mwe esamyuck ke tuhlihk lal wacngihnlac tuhsruhke tiacna wacngihnlac nohfohn.

Nga lut in etwacnah sie pacna muhtwacn nuhnak muhnahs nuh sins sie mwet ma oruh koluk nuh sel ke yac pucspucs. Nga lut ac siyuck sel lah efuh el sulaclah in nuhnak muhnahs ac muhkuhnlah yac pucspucs ke ahkkoluk na yohk ingacn.

El kahkabsrihk fahk, “Pa ma upac se emet nga orwacnah uh, tuhsruhke Nga etuh lah nga enenuh in orwacnah. Oruh nga orwacnah.” Luhlhlfongi lal lah Mwet Lahngo el ac fah nuhnak muhnahs nuh sel el fin nuhnak muhnahs nuh sin mwet sahyac ah ac ahkoellah nuh ke sie puhla ke mihs ac finsrak ke el sun misac mahlwem se na tukun el nuhnak muhnahs nuh sin mwet lokoalok lal suc tiac auliyak.

El siyuck sihk, “Ke ngwac sun acn we, ac fuhkah inkuhsrao?”

Ac nga fahk, “Nga etuh na ke ma nga liye ke kuhiyom in ahkyohkye luhlhlfongi ac in nuhnak muhnahs tuh in sie painyuck nuh lohm na wowo se nuh sum.”

Oasr sie pac mwe ahkkweye luhk nuh suwos suc ingena nuhnkuh fin luhlhlfongi lalos ke Jisus Kraist uh fah fokoko fal nuh selos in kampare wo nuh ke sahflah. Kuhtuh pac suwohs sahyac ma lohng ingena, ahkinsewowoyeyuck nga in etuh ke kowos fuhsr, fokoko, ahkinsewowoyeyuck yohk likina mwet siskowos an, tuhsruhke kowos sulaclah in oruh ma Mwet Lahngo elac oruh uh. Tuhkuh liki mwe in-sewowo pucspucs lowos an kowos sokwack inkacnek in kahsrh ac karihngihn mwet ma kowos srihkkihnuh kuh tiac lohacng nuh se ke acn lowos ke mouh uh.

Ke pacl upac tuhkuh uh, luhlhlfongi in kuhtanguhloslac wo uh ac oasr, muhsahiyucklac ke kom ac kuh in akikhen ingena tuhsruhke kom soenna ke pacl sacn lah kom orekma ke luhngse nwacsnwacs luhn Kraist, in kuhlwacnsap ac nuhnak muhnahs nuh sin mwet sahyac oacna ke Mwet Lahngo el ac oruh uh. Kowos muhsahelah sie pwelucng ke luhlhlfongi ke luhngse oacna ke luhngseyuck Mwet Lahngo ac kuhlwacnsapuh El uh. Luhlhlfongi lowos nuh Sel kol nuh ke mukwikwi in luhngse pwacye ma ac fah usot finsrak lowos uh.

Tiacna pahtlac in ahkfokokoye pwelucng ke luhlhlfongi uh. Oasr pacl lwen nuh kwewa. Ke luhlhlfongi ke Mwet Lahngo, kowos kuh in auliyak ac siyuck ke nuhnak muhnahs. Oasr sie mwet kowos kuh in nuhnak muhnahs nuh se. Oasr sie mwet kowos kuh in sang kuloh nuh se. Oasr sie mwet kowos kuh in kuhlwacnsapuh. Kowos kuh in oruh acn nuh kwewa kowos oasr we an ac finne kowos puhla muhkahimtacl ac srwenglah.

Nga tiac kuh in olwelah sie sahflah ke ma upac lowos an ke mouh se inge. Nga tiac kuh in ahkpwacyei lah ma upac lowos an ac sahflah ke kihtin pacl na. Sie atac ke ma upac ke mouh uh pa oacna elos in orwacnah atacn pacl uh in suhmuhilac na apkuhran na in tui.

Oasr srihpac nuh kac. In etuh srihpac ingacn tiac sang ahkkweye yohk, tuhsruhke ma inge kuh in sang sie puhla ke mongfihswacsr. Srihpac ingacn tuhkuh ke sie ma pwacye: ke luhngse pwacye lalos nuh suwos, Pahpah Lucng ac, Mwet Lahngo kena kom in ahkolah in Weluhlos in mouh ke sucu ma pahtpaht. Mwet ma nwacsnwacsлах wo muhkwenah ke Iwacnah luhn Jisus Kraist kuh in oasr we.

Ninac kiyuck ah lain cancer apkuhran in yac 10. Ono ac laslah uh ac sahflahiyac in oan ke mwe oan kiyacl an pa kuhtuh ma upac nuh sel.

Nga esam ke pahpah tuhmuhk ah fahk ke el liye ke el eis momong sahflah se lal ah, “Sie tuhlihk muhtwacn srihsrihk elac som nuh lohm ah in monglac.”

Sie sin mwet sramsram ke mas lal ah pa tuhmuhn wiyacl ah ac kawuck Prestuhn Spencer W. Kimball. Inmahsrhon kaksak el orwacnah ah, nga esam sie ma si-kyak oacna inge: “Kuhtuh suwos ac kuh in nuhnkuh lah Mildred el kweok na upac ke pacl loes ke srihpen sie ma el oruh ma koluk sang ma upac ingacn.” Na el fahk, “Moh, sihyak ke srihpen God el luhngse in ahkwoyael kihtin pacl pac.” Nga esam ke pacl sac nuhnkuh, “Fin sie kain muhtwacn wo ingacn enenuh yohk ahkwoyeyuck ingacn, meac oan met likiyuc uh?”

Fin oasr luhlhlfongi lasr ke Jisus Kraist, pacl upac ac fihswacsr emet ke mouh uh kuh in sie mwe in-sewowo. Ke ohiyac nuh kwewa, kuht kuh in sulaclah ma pwacye ke kolyuck luhn Nguhn. Oasr wosacuh luhn Jisus Kraist in ahkwoye ac kol mouh lasr uh kuht fin sulaclah. Ac ke mwet pahluh uh fahkwack nuh sesr acn sesr ke plwacn in molwelah uh, kuht kuh in mouh ke finsrak wowo ac sie puhla ke mihs. Ke pacl kuht tiac enenuh in puhla lah kuht muhkwenah kuh tiac luhngseyuck ke kuhlwacnsap luhn Leum ke srihpen kuht tiacna. Kuht kuh in puhla luhngse luhn God. Mwet Lahngo el olwelah lihpufacn uh ke lacsac ac

lacyot lasr uh in sruhk kuhtyak.<sup>10</sup>  
Ac El liyacacng kahs Lal pacl nuh  
kwewa.

Nga fahkwack lah God Pahpah el  
moul ac lah Wen Kuloh Nahtuhl pa  
Mwet Molwelah lasr uh. Nguhn Muh-  
tahl ahkpwacyei ma pwacye ma luti-  
yuck ke toeni se inge ac fah sulphac ke  
kowos suk ac lohng ac tok ke kowos  
fah lutlut ke pweng luhn mwet kuh-  
lwacnsap, sollac sin Leum ma oasr  
inge uh. Prestuhn Thomas S. Monson  
pa mwet pahluh luhn Leum nuh fin  
facluh nohfohn. Leum el karihngihn  
kowos. God Pahpah el moul. Wen

Kuloh Nahtuhl, Jisus Kraist, pa Mwet  
in Molwelah lasr. Luhngse Lal tiac tui.  
Nga fahkwack ma inge ke inen Jisus  
Kraist, amen.

#### **MWE KAHSRUH**

1. Spencer W. Kimball, "Give Me This Mountain," *Ensign*, Nohfuhmpuh 1979, 79.
2. Liye Doctrine and Covenants 122:7–9.
3. Liye Doctrine and Covenants 19:15–19.
4. Jeremiah 8:22.
5. Joshua 1:5.
6. Liye Thomas S. Monson, "Look to God and Live," *Ensign*, Mei 1998, 52–54.
7. Liye Ether 12: 6–9.
8. Liye Ether 12:18.
9. "I Know That My Redeemer Lives," *Hymns*, no. 136.
10. Liye Doctrine and Covenants 84:88.

© 2012 sel Intellectual Reserve, Inc. Kuh ac  
suwohs nuh kwewa fihliyucki. Sihmlac fin acn  
USA. Ahkkweyeyucklac ke kahs English: 6/11.  
Ahkkweyeyucklac ke lweng: 6/11. Lwenglah  
luhn *Visiting Teaching Message, May 2012*.  
Kosraean. 10365 868